

बच्चन के ले बाइबिल
देत है



एकु राजकुमारु
चरवाहो बनि
गओ



द्वारा लिखत: Edward Hughes

द्वारा चित्र: M. Maillot; Lazarus
Alastair Paterson

द्वारा अनुकूल: E. Frischbutter; Sarah S.

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



एक दिन मूसा ने किसउ मिस्री कौ एक
यहूदी गुलाम कौ मात्त देखो। हालांकि
मूसा फिरौन के महल मा एक
राजकुमार की तरह पलो बढो
अउरु पढाओ गओ हतो, तभंउ
वउ एकु यहूदीअइ हतो। बाइ
गुलाम की मदति
करिबे हती।



मूसा जऊ पक्को करन के लै चारउ घाईं देखन लगो कि कोई बाइ देखि तऊ नाइ रहो हई, बा गुलाम के क्रूर मुखिया पइ हमला करो। बा लड़ाई मा, मूसा ने बा मिस्री कौ मारि डारो। अउरु जल्दी से, वाने बाकी मट्टी कौ दफन करि दौ।



दुसरे दिन, मूसा ने दुई इब्रियन कौ आपुस मा लड़त देखो। वाने उनइ रोकन की कोशति करी। एकु बोलो “का तुम बा मिस्री की तरह हमउ कौ मारि डरिअउ?” मूसा डराइ गओ। सब लोगन कौ कल्लि के बारे में पता चलि चुकी हती। फिरौन कौ मालूम हुइ गई हती। मूसा कौ भजिबे परो। वउ मिद्यान नाउ के देश मा भाजि गओ।



मूसा एक कुँइयां के तीर संहताति हतो, होनइ मिद्यान के याजक की सात लड़िकिनी अपने बाप की भेंड़-बकरियन कौ पानी पिआउन के लै कठउती मा पानी भत्तीं हती।



दुसरे चरवाहन ने उनइ धक्का दइके एक घांइ हटाउन की कोशति करी।
मूसा ने उन लड़िकिनिन की रक्षा करिके उनकी मदति करी।



लड़िकिनिन के बाप रूएल ने आश्चर्य से पूछी, “तुम लोग आजु जल्दी घरई आई गयीं।” जब लड़िकिनिन ने बताई तब वाने कही, “बा आदमी कौ हिंआ लावउ।” मूसा रूएल के संग रहो, जो यित्रो के नाउ सेउ पुकारो जाति हतो। आगे चलिके, मूसा ने रूएल की सबसे बड़ी लड़िकिनी से बिआउ करो।



अब मिस्र मा फिरौन की मउत हुई चुकी
हती। परमेश्वर के लोग इंब्री अभऊँ
गुलाम हते। वइ बड़े दुःख मा जीवनु
जी रहे हते। उन्ने परमेश्वर से मदति
के लै दुआ करी।



परमेश्वर ने उनकी
दुआ सुनि लइ।




मूसा कौ जा पता नाइ हती, लेकिन परमेश्वर
ने गुलाम इब्रियन की मदति के लै बाई उपयोग
कन्न की योजना बनाई। मूसा कौ मिस्र छोडे भै
चालीस साल बीत चुके हते। वउ रूएल के
झुंड को चरवाहो हतो लेकिन मिस्र मा
लोगन कौ बाकी याद जरूर आउति हुई।



एक दिन मूसा ने तीर की एक झाड़ी मा
आगी देखी। लेकिन आगी झाड़ी कौ जराइ
नाइ पाई रही हती। मूसा जाको पता
लगाउन के लै तीर गओ।



जइसेइ मूसा झाड़ी के तीर पहुंचो, परमेश्वर ने झाड़ी मा से मूसा कौ पुकारो, “मूसा!” “हम हिंआ हंड, मूसा ने कही” परमेश्वर ने कही अउरु तीर ना आबउ “अपने पांइन की जूती उतार लेउ, जिस जगह पइ तुम ठाड़े हउ बा जगह पवित्र हइ।”



परमेश्वर ने कही, “हम अपने लोगन कौ मिस्र से
बाहिरारि निकान्न के लै तुमइ फिरौन के तीर पठईई”
लेकिन मूसा हुआँ जान से डरान लगो।



फिरि परमेश्वर ने मूसा कौ अपनी महान शक्ति दिखाई। उन्ने
मूसा की छड़ी कौ एक साँप मा बदल दओ।



जब मूसा ने साँप कौ पूंछ की तरफ से पकरि के उठाओ तउ व फिर से
एक लाठी बनि गई। परमेश्वर ने
एकु अउरु चिन्नु दौ।




बाने हुकुमु दौ, “सीना पइ अपनो हाथु धरउ” मूसा ने वइसोइ करो।
बाके हाथ मा कोढु हुई गओ।



बाने फेरि उइसोइ करो अउरु बाको हाथु ठीक हुई गओ।



मूसा ने अभङ्ग आपत्ति जतायी। बाने परमेश्वर से कही, “हम अच्छी तरह से बोलि नाइ सकति हंइ।” परमेश्वर नाराज भै। उन्ने कही, “हम तुमारे भइया हारून कौ उपयोग करिहीं, तुम बाई बोलन के लै शब्द बतइअउ।”



मूसा, यित्री के तीर लउटो, अपनों सामानु
बांधो अउरु मिस्र के लै रवाना हुई गओ।



परमेश्वर मूसा के भइया हारून कौ पहाड़न मा मूसा से मिलइबे के लै लइ गये। मूसा ने यहूदी लोगन कौ मिस्रवासिन की गुलामी से छुड़ाउन की परमेश्वर की योजना के बारे मा हारून कौ बताओ। दोनउ ने संग मा, यहूदी अगुवन के तीर जा खबरि कौ पहुंचाओ। जब मूसा ने यहूदी अगुवन कौ उन बड़े चिन्नन कौ दिखाओ तब उन्ने भरोसो करो कि परमेश्वर उनकी मदति करिही। संग मा, उन्ने झुकि के परमेश्वर की आराधना करी।



बहादुरी से, मूसा अउरु हारुन फिरौन के तीर गये।
उन्ने बासे कही कि, “परमेश्वर कहत हइ कि मेरे
लोगन का जान देऊ।”



“हम इस्राएलियन कौ जान नाइ दीं,” फिरौन ने
जवाबु दौ । बउ परमेश्वर के हूकुम कौ नाइ
मनिही। परमेश्वर ने फिरौन कौ मनु बदलन के लै
बड़ी शक्ती को
प्रयोग करो।



एकु राजकुमारु चरवाहो बनि गओ
परमेश्वर के वच्चन से बाइबिल की एक कहानी
में पायी जाती है

निर्गमन २-५

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

